



ქედის მუნიციპალიტეტის საკრებულოს

გ ა ნ კ ა რ გ უ ლ ე ბ ა

დაბა ქედა



განკარგულება:გ-95. 95260862

თარიღი:27/03/2026

**ეკონომიკის რეგულირებად სფეროებად განსაზღვრული ავტობუსით (M3 კატეგორია) მგზავრთა რეგულარული სამგზავრო გადაყვანის მიზნით ავტობუსის მოძრაობის მარშრუტების, სამგზავრო ტარიფებისა და მოქალაქეთა ცალკეული კატეგორიების შეღავათიანი მგზავრობის შესახებ**

საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის მე-2 პუნქტის „ლ“ ქვეპუნქტის, 61-ე მუხლის მე-2 პუნქტის, „საავტომობილო ტრანსპორტის შესახებ“ საქართველოს კანონის პირველი მუხლის მე-11 პუნქტის, მე-4 მუხლის მე-4 პუნქტისა და „ეკონომიკის რეგულირებადი სფეროების განსაზღვრის შესახებ“ საქართველოს მთავრობის 2014 წლის 5 დეკემბრის №667 დადგენილების შესაბამისად, ქედის მუნიციპალიტეტის საკრებულომ გადაწყვიტა:

**მუხლი 1.**

განისაზღვროს ქედის მუნიციპალური ავტობუსის (M3 კატეგორია) მოძრაობის მარშრუტების და ავტობუსით მგზავრთა გადაყვანის ტარიფები შემდეგი ოდენობით:

მარშრუტის №	ავტობუსის (M3 კატეგორია) მარშრუტები	მარშრუტის უკუმიმართულებები	ავტობუსის (M3 კატეგორია) ყოველდღიური რაოდენობა	სტანდარტული მგზავრობის საფასური (ტარიფი) ლარი	ნულოვანი ტარიფით მგზავრობის საფასური ლარი	შენიშვნა
77	ქედის მუნიციპალიტეტის დანდალოს ადმინისტრაციული ერთეული, ქ. ბათუმი	იგივე	1	4.00	უფასო	ქედის
	ქედის მუნიციპალიტეტის ცხმორისის, წონიარისის ადმინისტრაციული ერთეული, ქ.	იგივე	1	3,50	უფასო	

ბათუმი					მუნიციპალიტეტის საზღვრებში და მის გარეთ ავტობუსის გაჩერება  მოხდეს მგზავრის მოთხოვნის მიხედვით
ქედის მუნიციპალიტეტის ზვარეს, დაბა ქედის ადმინისტრაციული ერთეული, ქ. ბათუმი	იგივე	1	3.00	უფასო	
ქედის მუნიციპალიტეტის პირველი მაისის, მახუნცეთის ადმინისტრაციული ერთეული, ქ. ბათუმი	იგივე	1	2,50	უფასო	
ქედის მუნიციპალიტეტის დოლოგნის ადმინისტრაციული ერთეული, ქ. ბათუმი	იგივე	1	2.00	უფასო	

### მუხლი 2.

1. გადახდის შესაძლებლობა განისაზღვრება ნაღდი ან/და უნაღდო ანგარიშსწორების სახით შპს „ქედის ავტოსატრანსპორტო საწარმო“-ს მიერ კონტრაქტორთან გაფორმებული ხელშეკრულების შესაბამისად.

2. მგზავრობისას შეღავათიანი ან ნულოვანი ტარიფით სარგებლობისას, სავალდებულოა გამოყენებულ იქნეს ქედის მუნიციპალიტეტის ან მის მიერ უფლებამოსილი სუბიექტის მიერ გაცემული ბარათი ან/და გადახდის სხვა საშუალება, რომელზეც დაშვებულია შეღავათიანი ან ნულოვანი ტარიფით სარგებლობა. ქედის მუნიციპალიტეტის ან მის მიერ უფლებამოსილი სუბიექტის მიერ გაცემულ მატერიალურ ბარათ(ებ)ზე, რომელიც გამოიყენება მხოლოდ მგზავრობის საფასურის გადახდის მიზნებისთვის და რომელზეც დაშვებულია მგზავრობის შეღავათიანი ან ნულოვანი ტარიფით სარგებლობა, აუცილებლად უნდა იყოს დატანილი მისი მფლობელის სახელი, გვარი და პირადი ნომერი.

### მუხლი 3.

1. ეკონომიკის რეგულირებად სფეროებად განსაზღვრული ავტობუსებით (M3 კატეგორია) მგზავრობაზე დაწესდეს შეღავათები და მგზავრობის საფასურის გადახდისგან გათავისუფლდნენ ქედის მუნიციპალიტეტის ტერიტორიაზე რეგისტრირებული:

ა) საჯარო სკოლის მოსწავლეები;

ბ) შეზღუდული შესაძლებლობის მქონე პირები;

გ) მე-2 მსოფლიო ომისა და საქართველოს ტერიტორიული მთლიანობის ომის ვეტერანები და მათთან გათანაბრებული პირები;

დ) ავტორიზებული უმაღლესი საგანმანათლებლო დაწესებულებების სტუდენტები;

ე) 6 წლამდე ასაკის ბავშვები. (შენიშვნა: ამ კატეგორიის მგზავრებისთვის აუცილებელი არ არის სამგზავრო

#### **მუხლი 4.**

ეკონომიკის რეგულირებად სფეროებად განსაზღვრული ავტობუსებით (M3 კატეგორია) მგზავრთა რეგულარული სამგზავრო გადაყვანის გადახდის სისტემას ნერგავს და ამ განკარგულებით განსაზღვრული სამგზავრო ტარიფების, ასევე ფასდაკლების სისტემის მგზავრობის საფასურის მოკრებას უზრუნველყოფს შპს „ქედის ავტოსატრანსპორტო საწარმო“ (ს/ნ: 246754150) მიერ განსაზღვრული უფლებამოსილი სუბიექტი (ან მისი ქვეკონტრაქტორი). ამ პუნქტით გათვალისწინებული მიზნების მისაღწევად, შპს „ქედის ავტოსატრანსპორტო საწარმო“ უფლებამოსილია დადოს ხელშეკრულება (შემდგომში - ხელშეკრულება) ნებისმიერ მესამე პირთან, რომელიც გაწევს აღნიშნულ მომსახურებას უშუალოდ ან/და ნებისმიერ მესამე პირის მეშვეობით (შემდგომში ერთობლივად - კონტრაქტორი). შპს „ქედის ავტოსატრანსპორტო საწარმო“ ასევე უზრუნველყოფს, ამ განკარგულების მე-3 მუხლით გათვალისწინებული მგზავრობისთვის, თავად ან მის მიერ უფლებამოსილი სუბიექტის/კონტრაქტორის მეშვეობით მატერიალური სამგზავრო ბარათების დამზადებასა და გაცემას.

#### **მუხლი 5.**

ამ განკარგულებით განსაზღვრული კატეგორიებით მოსარგებლე პირების მიმართ გასაცემი შესაბამისი სამგზავრო ბარათის გაცემის აუცილებელ გარემოებას წარმოადგენს მონაცემთა ბაზები, რომელთა მიმართაც უნდა ჰქონდეს წვდომა მერიას, შპს „ქედის ავტოსატრანსპორტო საწარმო“-ს ან/და შპს „ქედის ავტოსატრანსპორტო საწარმო“-ს მიერ განსაზღვრულ უფლებამოსილ სუბიექტს (ან მის კონტრაქტორს).

#### **მუხლი 6.**

ამ განკარგულებით განსაზღვრული კატეგორიების მონაცემთა ბაზის განახლების მიზნით მერიისთვის და შპს „ქედის ავტოსატრანსპორტო საწარმო“-სთვის (ან/და მისი კონტრაქტორისათვის) არანაკლებ თვეში ერთხელ, შესაბამისი ინფორმაციის მიწოდების უზრუნველყოფა ეთხოვოთ შემდეგ სუბიექტებს:

ა) ამ განკარგულების მე-3 მუხლის „ბ“ და „გ“ ქვეპუნქტებით დადგენილი კატეგორიის მქონე პირებთან დაკავშირებით - სსიპ „სოციალური მომსახურების სააგენტოს“ ან/და სოციალური მომსახურების აჭარის ავტონომიური რესპუბლიკის ფილიალს;

ბ) ამ განკარგულების მე-3 მუხლის „ა“ და „დ“ ქვეპუნქტითა განსაზღვრული კატეგორიის მქონე პირებთან დაკავშირებით - საქართველოს განათლებისა და მეცნიერების სამინისტროს მმართველობის სფეროში შემავალ საჯარო სამართლის იურიდიულ პირს - განათლების მართვის საინფორმაციო სისტემას.

#### **მუხლი 7.**

ამ განკარგულების მე-6 მუხლით განსაზღვრული ინფორმაციის გაცვლა შესაბამის სუბიექტებს შორის განხორციელდება მათ შორის შეთანხმებული ფორმით და პირობებით.

#### **მუხლი 8.**

შპს „ქედის ავტოსატრანსპორტო საწარმო“-ს მიერ განსაზღვრული უფლებამოსილი სუბიექტი (ან მისი ქვეკონტრაქტორი) შპს „ქედის ავტოსატრანსპორტო საწარმო“-ს მოთხოვნის საფუძველზე უზრუნველყოფს მოთხოვნის მიღებისთანავე (მაგრამ არაუგვიანეს ორი სამუშაო დღისა) ბარათის დაბლოკვას ან უფასო და შეღავათიანი ტარიფით მგზავრობის უფლების გაუქმებას. ამასთან, დაუშვებელია ამ განკარგულების მე-3 მუხლით გათვალისწინებული

კატეგორიის პირებისთვის ბარათის ან/და გადახდის სხვა საშუალების ჩამორთმევა.

### **მუხლი 9.**

სამგზავრო ბარათის გაცემის, აღდგენის, დაბლოკვის, განბლოკვის და ბარათთან დაკავშირებულ სხვა პირობებს განსაზღვრავს შპს „ქედის ავტოსატრანსპორტო საწარმო“, მის მიერ განსაზღვრულ უფლებამოსილ სუბიექტთან (ან მის კონტრაქტორთან) შეთანხმების საფუძველზე.

### **მუხლი 10.**

შპს „ქედის ავტოსატრანსპორტო საწარმო“ ყოველი თვის დამთავრებიდან არაუგვიანეს მომდევნო თვის 15 რიცხვისა, მერიას წარუდგინოს ინფორმაცია ამ განკარგულების მე-3 მუხლით გათვალისწინებული კატეგორიების მიხედვით უფასო (ნულოვანი) და შეღავათიანი მგზავრობის ტარიფით მოსარგებლე ფაქტობრივად გადაყვანილ მგზავრობა რაოდენობის შესახებ.

### **მუხლი 11.**

ქედის მუნიციპალიტეტის მერიამ, შპს „ქედის ავტოსატრანსპორტო საწარმო“-ს, მიერ ამ დადგენილების მე-10 მუხლის შესაბამისად წარდგენილი ინფორმაციის საფუძველზე, უზრუნველყოს შპს „ქედის ავტოსატრანსპორტო საწარმოსთვის უფასო მგზავრობის ტარიფით მოსარგებლე თითოეულ მგზავრზე მგზავრობის ტარიფის სტანდარტული ოდენობის შესავსებად თანხების ანაზღაურება.

### **მუხლი 12.**

განკარგულების დაინტერესებული მხარეთათვის კანონმდებლობით დადგენილი წესით გაცნობა უზრუნველყოს ქედის მუნიციპალიტეტის საკრებულოს აპარატის უფროსმა - მუხრან სალაძემ.

### **მუხლი 13.**

განკარგულება შეიძლება გასაჩივრდეს დაინტერესებული მხარისათვის გაცნობის დღიდან ერთი თვის ვადაში, ხელვაჩაურის რაიონულ სასამართლოში (მისამართი: ქ. ბათუმი, ფრიდონ ხალვაშის გამზირი №358).

### **მუხლი 14.**

განკარგულება ძალაშია ხელმოწერისთანავე.

ამირან ცინცაძე

საკრებულოს თავმჯდომარე

გამოყენებულია კვალიფიციური ელექტრონული ხელმოწერა/ელექტრონული შტამპი

